

**■ COLUMNA**

# Tohuwabohu enstagl dad «Oh bainvgnü Nadal»

CHATRINA JOSTY

**T**gi che pensa ch'ìl temp d'advent a scola saja mo in legher halleluja sbaglia totalmain. Schebain che jau m'hai dà gronda fadia quest onn: Jau hai montà tut las chadainas da glischs che jau hai chattà e mes scolarets da la terza classa malegian sco nars ina staila suenter l'otra per las tatgar vi da las fanestras.

**L**a deco da Nadal è dentant mo ina sort pflaster che nus tatgain vi da quai che curra e passa a l'intern da la chasa da scola. (E lura èn las stailas era anc in pflaster che vegn a tegnair segir enfin la primavaira... jau hai numnadain dvrà quasi ina tonna bin-del da tatgar.)

**M**abain, quai èn problems per il schaner. Ils problems acuts fan currer a nus magistras per sulers e stanzas e per la piazza da scola enturn. Igl ha navì ed ils scolars èn mez flip-pads. Naiv è ina rarità a Moosseedorf. Ma sco d'apertut sin il mund, è l'emprim che vegn fatg cun naiv: trair bottas da naiv a crusch ed a travers. Qua dovri reglas tgi che po trair bottas da naiv cura e nua e sin tgi e quant e soviso. Sco anteriura magistra a Lai ves jau quai cun calma. A Lai



dura l'enviern quasi in mez onn. Qua giu la Bassa (speranza!) mo enfin tar la proxima pausa.

**I**l temp d'advent è era il temp dals discurs da geniturs tant amads da tut ils participants. Qua vegn'ins confruntà cun models da famiglia, stils d'educaziun ed opiniuns da tut gener. Sco per exempel questa: In bab dal Cosovo n'è insumma betg cuntent cun il tudestg che vegn discurren in scola. Ils Svizzers sa duessan dar dapli fadia, manegia el, ed ils esters che lavuran qua soviso.

**P**er silmain cumenzar ruassaivlamain ils dishectics, met jau si musica d'advent. Jau sun daventada in fan dals hits da Nadal. Vul dir, mo dals emprims tacts da «All I Want For Christmas Is You».

**S**ignur B., in bab desperà, als interrompa. El

telefona pervi da las mieurs. Gea, jau hai intervegnì gia bler da las mieurs da chasa Giny, Strizi e Maxi da mia scolara Clara. Ed uss, paupra Clara e paupras mieurs, èn las mieurs scappadas perquai che la sora gronda da Clara ha emblidà da serrar la chabgia. Clara na vegn oz betg a scola, memia occupada saja l'entira famiglia cun tschertgar e carmalar las mieurs, ma declera il bab.

**E**ra mes scolar Marc n'è betg d'enturn. Sia famiglia ed el èn gia «en vacanzas», sch'i dat insatge sco vacanzas quest onn. Els èn en quarantina en l'Israel. Là visitan els la tatta ch'è malsaua. Marc è però era in pau a scola, mintga damaun tar il ritual d'advent sur conferenza da video.

**E**Frau Josty è sin tut ils chanals.

**M**o la pausa tutga a mai. Jau ser l'isch, prend giu la maschina e ma cuesch in niculaus da tschigulatta. I fiss stà quel da Marc. Ma el survegn lura ina lieu da tschigulatta. Pasca vegn era pli spert che quai ch'ins craja.

**Chatrina Josty è scolasta a Moosseedorf en il chantun Berna.**